

卷〇五四 遼字

卷〇五四五 遼字

永樂大典

永樂大典卷之五千二百四十四

十三蕭

遼

洪武正韻連條切遠也又水名許慎說文瀼从走祭聲洛蕭切顧野篇力條切徐錯通釋梨挑反丁度集韻遼或作勞司馬光類篇憐蕭

一曰水名在遼陽縣戴同六書故紆遠也郭守正紫雲韻遼東箕子國釋

行均龍龕手鑑遼俗遼正音聊楊桓六書統來母瀼純聲遼隸筋本力教

切借充上義熊忠韻會舉要半徵商音又水名出高句驪又遼國即契丹

東胡之種至邪律德光號大遼又州名元魏遼陽郡隋置遼州趙謙聲音

文字通來曉切遠也文選聲清以遼漢明帝

置度遼將軍韻會定正字切來曉來零連遼

徐鉉

篆韻

遼

魏臣奏並洪

邁漢隸分韻

楊統碑並真

漢隸字源書

遼

智

遼

柳公

遼

蔡

遼

行

遼

米

遼

智

遼

高彪

遼

景右

遼

李翊

遼

夏堪

遼

楊孟受

遼

石門頌

遼

高彪齋學

遼

隸

遼

韓初

遼

史晨

遼

度尚

遼

殷阮

遼

遼

篆

遼

篆

遼

篆

遼

篆

遼

篆

遼

篆

遼

篆

遼遼遼

並張錦漢

遼

遼

並鮮于樞

遼

趙子昂

年革相遼

侯鯖錄唐陸長源以勲德為宣軍司馬韓愈為巡官同在使幕或戲年革相遼周愿曰大蟲老鼠俱是十

二相屬何怪之有

滅霸止張遼

三國志魏滅霸傳霸從太祖討孫權於濡須口與張遼為前鋒行遇霖雨

大軍先及水遂長賊船稍進將士皆不安遼欲去霸止之曰公明於利鈍寧肯捐吾等耶明日果有令遼至以語太祖太祖善之拜為揚武將軍假節

魏明帝征遼

三國志初遼東太守公孫恭兄子淵劫奪恭位魏遂以淵領遼東太守青龍元年十二月公孫

淵斬送孫權所遣使張彌許晏首以淵為大司馬樂浪郡公後權遣使浮海與句驪通欲襲遼東遣幽州刺史母丘儉率諸軍及鮮卑烏丸屯遼東南界璽書徵公孫淵淵發兵及儉進軍討之會雨十日遼水大漲詔儉引軍還右北平烏丸單于寇婁救遼西烏丸都督王護留等居遼東率部眾隨儉內附淵自儉還家遂自立為燕王置百官稱紹漢元年景初二年春正月詔大尉司馬宣王帥眾討遼東六月丙寅司馬宣王圍公孫淵於襄

平大破之傳淵首于京都海東諸郡平魏曹子建募諫伐遼東表臣伏以遼東負阻之國勢使形固帶以遼海今輕軍遠攻師疲力屈彼有其備所謂以逸待勞以飽待飢者也以臣觀之誠未易攻也若國家攻而必剋屠襄平之城懸公孫之首得其地不足以償中國之費虜其民不足以補三軍之失是我所獲不如所喪也若其不拔曠日持久暴師於野然天時不測水濕無常彼我之兵連於城下進則有高城深池無所施其功退則有歸塗不通道路鮮好東有待豐之吳西有伺隙之蜀吳越東南則荆楊騷動蜀應西境則雍涼三分兵不解於外民罷困於內促耕不解其飢疾蠶不救其寒夫渴而後穿井飢而後殖種可以圖遠難以應卒也臣以為當今之務在於省徭役薄賦歛勤農桑三者既備然後令伊管之臣得施其術孫吳之將得奮其力若此則太平之基可立而待康哉之歌可坐而聞曾何憂於二敵何懼於公孫乎今不恤邦畿之內而勞神於蠻貊之域竊為陛下不取也

隋煬帝征遼

隋書開皇間遼東高湯卒子元嗣文帝拜元為上開府儀同三司襲爵遼

東公元上表謝恩因請封王文帝優冊為王明年率隸轄萬餘騎寇遼西帝大怒命漢王諒為元帥總水陸軍討之師次遼水元惶懼遣使謝罪上

表稱遼東糞土臣元云云上乃罷兵待之如初元亦歲遣朝貢煬帝嗣位天下全盛高昌王突厥啓民可汗並親詣闕貢獻於是徵元入朝元懼藩禮頗闕大業七年帝親征高麗車駕度遼水止營於遼東地分道出師各頓兵於其城下高麗出戰多不利皆嬰城固守帝命諸軍攻之又敕諸將高麗若降即宜撫納不得縱兵入城城將陷賊輒言請降諸將奏指不敢赴轅先馳奏此報賊守禦亦備復出拒戰如此者三帝不悟由是食盡師老轉輸不繼諸軍多敗績乃班師是行也唯於遼水西拔賊武屬邏置遼東郡及通定鎮而還後帝復親征敕諸軍以便宜從事諸將分道攻城賊勢日盛會揚玄感作亂六軍並還兵部侍郎斛斯正亡入高麗高麗其知事實盡銳來追殿軍多敗十年又發天下兵會盜賊蜂起所在阻絕軍多失期至遼水高麗亦因弊遣使乞降因送斛斯正贖罪帝許之頓懷遠鎮受其降仍以俘囚軍實歸至京師以高麗使親告太廟因拘留之仍徵元入朝元竟不至帝更圖後舉會天下散亂遂不復行

段文振傳文振以遼東之役授左候衛大將軍出南蘇道在道疾篤上表曰臣以庸微幸逢聖世濫蒙獎擢榮冠儕伍而智能無取叨切已多言念國恩用忘寢食常思效其鳴吠以報萬分而攝養永方疾患遂篤抱此深愧永歸泉壤不勝

餘恨輕陳管穴竊見遼東小醜未服嚴刑遠降六師親勞萬乘但夷狄多詐深須防擬口陳降款心懷背叛說伏多端勿得使受水潦方降不可淹遲唯願嚴勦諸軍星馳速發水陸俱前出其不意則平壤孤城勢可拔也若傾其本根餘城自剋如不時定脫遇秋霖深為艱阻兵糧又竭強敵在前棘鞬出後遲疑不決非上策也

後數日卒於師帝省表悲歎久之

唐太宗征遼

唐書東夷傳高麗本扶與

別種也其君居平壤城亦謂長安城漢樂浪郡也去京師五千里水有大遼少遼大遼出棘鞬西南山南歷安市城少遼出遼山西南隋末其王高元死異母弟建武嗣武德初再遣使入朝高祖下書脩好約高麗人在中國者護送中國人在高麗者救遣還於是建武悉搜亡命歸有司且萬人後三年遣使者拜為上柱國遼東郡王高麗王命道士以像法往為講老子建武大悅率國人共聽之日數千人帝謂左右曰名實須相副高麗雖臣於隋而終拒煬帝何臣之為朕務安人何必受其臣裴矩溫彥博諫曰遼東本箕子國魏晉時故封內不可不臣中國與夷狄猶太陽於列星不可以降乃止明年新羅百濟上書言建武閉道使不得朝且數侵入有詔散騎侍郎朱子奢持節諭和建武謝罪乃請與二國平太宗已禽突厥頡

利建武遣使者賀并上封域圖帝詔廣州司馬長孫師臨塞隋士戰皆毀
高麗所立京觀建武懼乃築長城千里東北首扶餘西南屬之海久之遣
太子桓權入朝獻方物帝厚賜賚詔使者陳大德持節答勞且觀豐大德
入其國厚餉官守悉得其纖曲見華人涼客者爲道親戚存亡人人垂涕
故所至士女夾道觀建武感陳兵見使者大德還奏帝悅大德又言聞高
昌滅其大對盧三至館有加禮焉帝曰高麗地止四郡我發卒數萬攻遼
東諸城必救我以舟師自東萊驅海趨平壤固易然天下甫平不欲勞人
耳有蓋蘇文者或號蓋金姓泉氏自云生水中以感衆性忍暴父爲東部
大人對盧死蓋蘇文當嗣國人惡之不得立頓首謝衆請攝職有不可
雖廢無悔衆哀之遂嗣位殘凶不道諸大臣與建武謀誅之蓋蘇文覺悉
召諸部紿云大閱兵列饌具請大臣臨視宿至盡殺之凡百餘人馳入宮
殺建武殘其尸投諸溝更立建武弟之子藏爲王自爲莫離支專國猶唐
兵部尚書中書令職云魏魁秀美須髯冠服皆飾以金佩五刀左右莫敢
仰視使貴人伏諸地踐以升馬出入陳兵長呼禁切行人畏竄至扶坑谷
帝間建武爲下所殺惻然遣使者持節弔祭或勸帝可遂討之帝不欲因
喪伐罪乃拜藏爲遼東郡王高麗王帝曰蓋蘇文殺君攘國朕取之易耳

不顧勞人若何。司空房玄齡曰。陛下士勇而力有餘。戢而不用。所謂止戈爲武者。司徒長孫無忌曰。高麗無一介告難。宜賜書安慰之。隱其志。撫其存。彼當聽命。帝曰。善。會新羅遣使者上書言。高麗百濟聯和將見討。謹歸命天子。帝問若何而免。使者曰。計窮矣。惟陛下哀憐。帝曰。我以偏兵率契丹靺鞨入遼東。而國可紆一歲。一策也。我以絳袍丹幟數千賜而國至。建以陣。二國見謂我師至。必走。二策也。百濟恃海不脩戎械。我以舟師數萬襲之。而國汝君故爲鄰侮。我以宗室主而國恃安。則自守之。三策也。使者計孰取。使者不能對。於是遣司農丞相里玄獎以璽書讓高麗。且使止勿攻。使未至而蓋蘇文已取新羅二城。玄獎諭帝旨。答曰。往隋見侵。新羅乘豐奪我地五伯里。今非盡反地。兵不止。玄獎曰。往事烏足論邪。遼東故中國郡縣。天子且不取。高麗焉得遣詔不從。玄獎還奏。帝曰。莫離支殺君虐用其下。如獲寀。忍痛溢道。我出師無名哉。諫議大夫褚遂良曰。陛下之兵度遼而克固苦。萬分一不得逞。日再用師。再用師。安危不可億。兵部尚書李勣曰。不然。曩薛延陀盜邊。陛下欲追擊。魏徵苦諫而止。向若擊之一馬不生返。後復畔擾。至今爲恨。帝曰。誠然。但一慮之失而尤之。後誰爲我計者。新羅數請援。乃下吳船四百。挾輸糧。詔營州都督張儉等發幽營兵。及

契州奚靺鞨等出討會遼溢師還奚離支懼遣使者內金帝不納使者又言莫離支遣官五十入宿衛帝怒責使者曰而等委質高武而不伏節死義又爲逆子謀不可赦悉下之獄於是帝欲自將討之召長安耆老勞曰遼東故中國地而莫離支賊殺其主朕將自行經畧之故與父老約子若孫從我行若我能拊循之母庸卹也即厚賜布粟羣臣皆勸帝母行帝曰吾知之矣去本而就末捨高以取下釋近而之遠三者爲不祥伐高麗是也然蓋蘇文弑君又戮大臣以逞一國之人延頸待救議者顧未亮耳於是北翰粟營州東儲粟古大人城帝幸洛陽乃以張亮爲平壤道行軍大總管常何左難當副之冉仁德劉英行張文幹龐孝泰程名振爲總管帥江吳京洛募兵凡四萬吳艘五百泛海趨平壤以李勣爲遼東道行軍大總管江夏王道宗副之張士貴張儉執失思力契苾何力阿史那彌射姜德本麴智盛吳黑闥爲行軍總管隸之帥騎士六萬趨遼東詔曰朕所過營頓毋飭食毋豐怪水可涉者勿作橋梁行在非近州縣不得令學生耆老迎謁朕昔提戈撥亂無盈月儲猶所嚮風靡今幸家給人足祇恐勞於轉餉故驅牛羊以飼軍且朕必勝有五以我大擊彼小以我順討彼逆以我安乘彼亂以我逸敵彼勞以我悅當彼怨渠憂不克邪又發契丹奚新

羅百濟諸軍長兵悉會十九年二月帝自洛陽次定州謂左右曰今天下
大定唯遼東未賓後嗣因士馬盛彊謀臣導以征討喪亂方始朕故自取
之不遺後世憂也帝坐城門過兵人人撫慰疾病者親視之軟州縣治療
士大悅長孫無忌白奏天下符魚悉從而官官止十人天下以爲輕神器
帝曰士度遼十萬皆去家室朕以十人從尚惡其多公止勿言帝身爲案
房結兩籠於鞍四月勅濟遼水高麗皆嬰城守帝大饗列帳幽州之南詔
長孫無忌誓師乃引而東勅攻蓋牟城拔之得戶二萬糧十萬石以其地
爲蓋州程名振攻沙卑城夜入其西城潰虜其口八千游兵鴨綠上勅遂
圍遼東城帝次遼澤詔廢隋戰士露髀高麗發新城國內城騎四萬救遼
東道宗率張君乂逆戰君乂却道宗以騎馳之虜兵辟易奪其梁收散卒
乘高以望見高麗陣蹢急擊破之斬首千餘級誅君乂以徇帝度遼水徹
杠約堅士心營馬首山身到城下見士填塹分負之重者馬上持之羣臣
震懼爭挾塊以進城有朱蒙祠祠有鎖甲鉞矛妄言前燕世天所降方圍
急飾姜女以婦神巫言朱蒙悅城必克勅列拋車飛大石過三百步所當
輒潰虜積木爲樓結組罔不能拒以衝車撞壁屋碎之時百濟上金紫鎧
又以玄金爲山五文鎧士被以從帝與勅會甲光炫日會而風急士縱火

焚西南燔延城中屋幾盡人死于燎者萬餘衆登陴虜蒙盾以拒士舉長
矛舂之闕石如雨城遂潰獲勝兵萬戶四萬糧五十萬石以其地爲遼州
初帝自天子所屬行在舍置一烽約下遼東舉烽是日傳燎入塞進攻白
崖城城負崖水險甚帝望西北虜酋孫伐音陰丐降然城中不能一帝賜
幟曰若降建于喋以信俄而舉幟城人皆以唐兵登矣乃降初伐音中悔
帝怒約以虜口界諸將及是李勣曰士奮而先禽虜獲也今城危拔不可
許降以孤士心帝曰將軍言是也然縱兵殺戮略人妻孥朕不忍將軍麾
下有功者朕能以庫物賞之庶因將軍贖一城乎獲男女凡萬兵二千以
其地爲巖州拜伐音爲刺史莫離支以加尸人七百戍蓋牟勣停之請自
効帝曰而家加尸乃爲我戰將盡戮矣夷一姓求一人力不可粟而縱之次
安市於是高麗北部傳薩高延壽南部傳薩高惠真引兵及靺鞨衆十五
萬來援帝曰彼若勒兵連安市而壁據高山取城中粟食之縱靺鞨略吾
牛馬攻之不可下此上策也拔城夜去中策也與吾爭鋒則禽矣有大對
盧爲延壽計曰吾聞中國亂豪雄並奮秦王神武敵無堅戰無前遂定天
下南面而帝北狄西戎罔不臣今掃地而來謀臣重將皆在其鋒不可拔
今莫若頓兵曠日陰遣奇兵絕其饟道不旬月糧盡欲戰不得歸則無路

乃可取也。延壽不從，引軍距安市四十里。而屯。帝曰：「虜墮吾策中矣。」命左衛大將軍阿史那社爾以突厥千騎嘗之。虜常以韃韜銳兵居前，社爾兵接而北。延壽曰：「唐易與耳。」進一舍，倚麓而陣。帝詔延壽曰：「我以爾有彊臣，賊殺其主來問罪，即交戰，非我意。」延壽謂然。按甲俟。帝夜召諸將，使李勣率步騎萬五千陣西嶺，當賊長孫無忌牛進達精兵萬人。出虜背狹谷，帝以騎四千偃幟趨虜北山上，令諸軍曰：「聞鼓聲而縱張幄朝堂。」曰：「明日月中納降虜於此。」是夜流星墜延壽營，旦日虜視勣軍少，即戰。帝望無忌軍塵上，命鼓角作兵幟四合。虜惶惑，將分兵禦之。衆已蹢勣以步衆擊敗之。無忌乘其後，帝自山馳下虜大亂，斬首二萬級。延壽收餘衆，負山自固。無忌勸合圍之。徹川梁斷，歸路帝按轡觀虜營壘，曰：「高麗傾國來一麾而破，天贊我也。」下馬再拜謝。旣于天，延壽等度勢窮，即舉衆降。入轅門，膝而行。拜手請命。帝曰：「後敢與天子戰乎？」惶汗不得對。帝料酋長三千五百人悉官之。許內徙餘衆三萬縱還之。誅韃韜三千餘人，獲馬牛十萬，光明鎧萬領，高麗震駭。后黃銀二城自拔去。數百里無舍煙，乃驛報太子并賜諸臣書曰：「朕自將若此云何？」因號所幸山爲駐蹕山。圖破陣狀勒石紀功。拜延壽鴻臚卿，惠真司農卿，候騎獲覘人。帝解其縛，自言不食，且三日，命飼之。

賜以僞遣曰歸語莫離支若須軍中進退可遣人至吾所帝每營不作塹
壘謹斥候而已而士運糧雖單騎虜不敢鈔帝與勦議所攻帝曰吾聞安
市地險而衆悍莫離支擊不能下因與之建安恃險絕衆多而士少若出
其不意攻之不相救矣建安得則安市在吾腹中勦曰不然積糧遼東而
西擊建安賊將梗我歸路不如先攻安市帝曰善遂攻之未能下延壽患
真謀曰烏骨城傳薩已老朝攻而夕可下烏骨拔則平壤舉矣羣臣亦以
張亮軍在沙城召之一皆至若取烏骨度鴨渚迫其腹心計之善者無忌
曰天子行師不微幸安市衆十萬在吾後不如先破之乃驅而南萬全勢
也乃止城中見帝旌麾輒乘陴譟帝怒勸請破日男子盡誅虜間故死戰
江夏王道宗築壁圍攻東南虜增陴以守勦攻其西撞車所壞隨輒串柵
爲樓帝聞城中鷄鼠聲曰圍久突無黔堙今鷄鼠鳴必殺以饗士虜且夜
出詔嚴兵丙夜虜數百人縋而下悉禽之道宗以樹枚裏土積之距圍城
迫城不數丈果殺都尉傳伏愛守之自高而排其城城且頽伏愛私去所
部虜兵得自頽城出據而塹斷之積火縈盾固守帝怒斬伏愛救諸將擊
之三目不克有詔班師拔遼蓋二州之人以歸兵過城下城中屏息偃旗
酋長登城再拜帝嘉其守賜絹百匹遼州衆尚十萬斛士取不能盡帝至

泐錯水阻渾八十里車騎不通長孫無忌揚師道等率萬人斬樵築道聯
車爲梁帝負薪馬上初役十月兵畢度雪甚詔屬燎以待濟始行士十萬
馬萬匹連還物故載千餘馬死十八船師七萬物故亦數百詔集戰骸葬
柳城祭以太牢帝臨哭從臣皆流涕帝總飛騎入臨渝闕皇太子迎道左
初帝與太子別御褐袍曰俟見爾乃更袍歷二時弗易至穿穴羣臣請更
服帝曰士皆敝衣吾可新服邪及是太子進潔衣乃御遼降口萬四千當
沒爲奴婢前集幽州將分賞士帝以父子夫婦離析詔有司以布帛贖之
原爲民列拜諸舞三日不息延壽既降以憂死獨患真至長安明年春藏
遣使者上方物且謝罪獻二妹口帝敕還之謂使者曰色者人所重然慙
其去親戚以傷乃心我不取也初師還帝以弓服賜蓋蘇文受之不還使
者謝於是下詔削棄朝貢又明年三月詔左武衛大將軍牛進達爲青丘
道行軍大總管右武衛將軍李海岸副之自萊州度海李勣爲遼東道行
軍大總管右武衛將軍孫藏朗右屯衛大將軍鄭仁泰副之率營州都督
兵繇新城道以進次南蘇木底虜兵戰不勝焚其邪七月進達等取石城
進攻積利城斬級數千乃皆還藏遣子莫離支高任武來朝因謝罪二十
二年詔右武衛大將軍薛萬徹爲青丘道行軍大總管右衛將軍裴行方

副之自海道入部將古神威與虜戰曷山虜潰虜衆瞑襲我舟伏兵破之萬徹度鴨渌次泊灼城拒四十里而舍虜懼皆棄邑居去大酋所夫孫柅戰萬徹擊斬之遂圍城破其援兵三萬乃還帝與長孫無忌計曰高麗困吾師之入戶亡耗田歲不收蓋蘇文築城增陴下飢卧死溝壑不勝數矣明年以三十萬衆公爲大總管一舉可滅也乃詔劔南大治船蜀人顯輸財江南計直作舟舟取緣千二百已蜀大騷叩眉雅三州獠皆反發隴西峽內兵二萬擊定之始帝決取虜故詔陝州刺史孫伏伽萊州刺史李道裕儲糧械於三山浦烏胡島越州都督治大艘偶舫以待會帝崩乃皆罷藏遣使者奉慰永徽五年藏以棘鞬兵攻契丹戰新城大風天皆還激爲契丹所乘大敗契丹火野復戰人死相藉積尸而冢之遣使者告捷高宗爲露布于朝六年新羅訴高麗棘鞬奪三十六城惟天子哀救有詔營州都督程名振左衛中郎將蘇定方率師討之至新城敗高麗兵火外邪及墟落引還顯慶三年復遣名振率薛仁貴攻之未能克後二年天子已平百濟乃以左驍衛大將軍契苾何力右武衛大將軍蘇方左驍衛將軍劉伯英率諸將出沮江遼東平壤道討之龍朔元年大募兵拜置諸將天子欲自行蔚州刺史李君述建言高麗小醜何至傾中國事之有如高麗既

滅必發兵以守少發則威不振多發人不安是天下疲於轉戍臣謂征之未如勿征滅之未如勿滅亦會武后苦邀帝乃止八月定方破虜兵於沮江奪馬邑山遂圍平壤明年龐孝泰以嶺南兵壁蛇水蓋蘇文攻之舉軍沒定方解而歸乾封元年藏遣子男福從天子封泰山還而蓋蘇文死男子伐為莫離支與弟男建男產相怨男生據國內城遣子獻誠入朝求救蓋蘇文弟淨土亦請割地降乃詔契苾何力為遼東道安撫大使左金吾衛將軍龐同善營州都督高侃為行軍總管左武衛將軍薛仁貴左監門將軍李謹行殿而行九月同善破高麗兵男生率師來會詔拜同善特進遼東大都督兼平壤道安撫大使封玄菟郡公又以李勣為遼東道行軍大總管兼安撫大使與契苾何力龐同善并力詔獨孤卿雲由鴨綠道郭待封積利道劉仁願卑列道金待問海谷道並為行軍總管受勣節度轉燕趙食膾遼東明年正月勣引道次新城合諸將謀曰新城賊西鄙不先圖餘城未易下遂壁西南山臨城城人縛戍酋出降勣進拔城十有六郭待封以舟師濟海趨平壤三年二月勣率仁貴拔扶餘城它城三十皆納款同善偁守新城男建遣兵襲之仁貴救偏戰金山不勝高麗鼓而進銳甚仁貴橫擊大破之斬首五萬級拔南蘇木底蒼岩三城引兵略地與勣

會侍御史賈言忠計事還帝問軍中云何對曰必克昔先帝問罪所以不得志者虜未有豐也諺云軍無媒中道回今男生兄弟閔狼為我鄉導虜之情偽我盡知之將忠士力臣故曰必克且高麗秘記曰不及九百年當有八十大將滅之高氏自漢有國今九百年勦年八十矣虜仍荐飢人相掠賣地震裂狼孤入城蚡穴於門人心危駭是行不再舉矣男建以兵五萬襲扶餘勦破之薩賀水上斬首五千級俘口三萬器械牛馬稱之進拔大行城劉仁願與勦會後期召還當誅赦流姚州契必何力會勦軍于鴨綠拔辱夷城悉師圍平壤九月藏遣男產率首令百人樹素幡降且請入朝勦以禮見而男建猶固守出戰數北大將浮屠信誠遣謀約內應五日闔啓兵譟而入火其門鬱燄四興男建窘急自刺不殊執藏男建等收凡五部百七十六城戶六十九萬詔勦以便道獻俘昭陵凱而還十二月帝坐含元殿引見勦等數俘于廷以藏素脅制赦為司平常伯男產司宰少卿投男建黔州百濟王扶餘隆嶺外以獻誠為司衛卿信誠為銀青光祿大夫男生右衛大將軍何力行左衛大將軍勦兼太子太師仁貴威衛大將軍剖其地為都督府者九州四十二縣百復置安東都護府擢酋豪有功者授都督刺史今與華官參治仁貴為都護總兵鎮之唐會要貞觀十